



~~11-58~~ EX BIBLIOTH.
NATIONIS HUNGAR.
VITEBERG.

11-58

SIGNAT. clvccccxiii.

47

Ex
LIBRI
L. ANNÆI SENECAE,
De
BREVITATE VITÆ,
Capitibus septem postremis
Sententiæ singulæ.

Pro
NUNDINALI LECTIONE,
Extremo Martio,
Anni clō Ioc LXIX.

describi curabat
M. ELIAS MAIOR,
Gymnasii Vratisl. Elisabetani
RECTOR.

VRATISLAVIÆ,
In Hæredum BAUMANNIANORUM Typographiâ
exprimebat JOH. CHRISTOPH. JACOBI, Factor.



Sententia ex Capite XIV.

Soli omnium otiosi sunt, qui sapientiæ vacant: Soli vivunt. Nec enim suam tantum ætatem benè tuentur: omne ævum suo adjiciunt. Quicquid annorum ante illos actum est, illis acquisitum est. Nisi ingratißimi sumus, illi clarissimi sacrarum opinionum conditores, nobis nati sunt, nobis viam præparaverunt. Ad res pulcerrimas ex tenebris ad lucem erutas, alieno labore deducimur: nullo nobis sæculo interdictum est: in omnia admittimur: & si magnitudine animi egredi humanæ imbecillitatis angustias libet, multum per quod spaciemur, temporis est. Disputare cum Socrate licet, dubitare cum Carneade, cum Epicuro quiescere, hominis naturam cum Stoicis vincere, cum Cynicis excedere, cum rerum naturâ in consortium omnis ævi pariter incedere.

Ex Capite XV.

Honores, monumenta, quicquid aut decretis ambitio jussit, aut operibus exstruxit, citò subruitur: nihil non longa demolitur vetustas, & movet ocius, quod consecravit. Sapientiæ noceri non potest. Nulla delebit ætas præsens, nulla diminuet sequens, ac deinde semper ulterior aliquid ad venerationem conferet. Quoniam quidem in vicino versatur invidia, simplicius longè posita miramur.

Ex

Ex Capite XVI.

INde etiam Poëtarum furor, fabulis humanos errores alentium, quibus visus est Jupiter, voluptate concubitus delinitus, duplicasse noctem. Quid aliud est vitia incendere, quam auctores illis inscribere deos, & dare morbo, exemplo divinitatis, excusatam licentiam?

Ex Capite XVII.

MArium caliga dimisit? consulatus exercet. Quintius dictaturam properat evadere? ab aratro revocabitur. Ibit in Pœnos nondum tantæ maturus rei Scipio, victor Hannibalis, victor Antiochi, sui consulatus decus, fraterni sponsor: ni per ipsum morasit, cum Jove reponetur? civiles servatorem agitantur seditiones, & post fastiditos à juvene diis æquos honores, jam senem, contumacis exilii delectabit ambitio.

Ex Capite XVIII.

TU quidem orbis terrarum rationes administras, tam abstinenter, quam alienas; tam diligenter, quam tuas; tam religiosè, quam publicas. In officio amorem consequeris, in quo odium vitare difficile est: sed tamen, mihi crede, satius est vitæ suæ rationes, quam frumenti publici nosse. Istum animi vigorem, rerum maximarum capacissimum, à ministerio honorifico quidem, sed parum ad beatam vitam apto, ad te revoca, & cogita, non id egisse te ab ætate primâ, omni cultu studiorum liberalium, ut tibi
multa

multa millia frumenti committerentur. Majus quid-
dam & altius de te promiseras.

Cogita præterea, quantum sollicitudinis sit, ad
tantam te molem objicere. Cum ventre humano tibi
negocium est: nec rationem patitur, nec æquitate
mitigatur, nec ullâ prece flectitur populus esuriens.

Ex Capite XIX.

REcipe te ad hæc tranquilliora, tutiora, majora.
Simile tu putas esse, utrum cures, ut incorruptum
à fraude advehentium & negligentia frumentum
transfundatur in horrea; ne concepto humore vitie-
tur & concalescat; ut ad mensuram pondusq; respon-
deat: an ad hæc sacra & sublimia accedas, sciturus,
quæ natura sit diis, quæ voluntas, quæ conditio, quæ
forma? quis animum tuum casus expectet? ubi nos
à corporibus dimissos natura componat? quid sit,
quod hujus mundi gravissima quæque in medio susti-
neat, in summum, ignem ferat, sidera cursibus suis
excitet? Cætera deinceps ingentibus plena miraculis.

Ex Capite XX.

TUrranius fuit exactæ diligentia senex: qui post
annum nonagesimum, cum vacationem procu-
rationis à C. Cæsare ultrò accepisset, componi se in
lecto, & velut exanimem à circumstante familia
plangi jussit. Lugebat domus otium domini senis.

Nec inivit antè tristitiam, quàm labor illi suus
restitutus est. Adeonè juvat occu-
patum mori?

❖(o)❖

Ung. VI 58 (10)

ULB Halle 3
002 686 287




Sb,

VD17
Sep. 2000 Pd.







B.I.G.

Farbkarte #13

Inches 1 2 3 4 5 6 7 8
Centimetres 1 2 3 4 5 6 7 8

Blue Cyan Green Yellow Red Magenta White 3/Color Black

47
NECÆ,
E VITÆ,
postremis
gulæ.
ECTIONE,
tio,
XIX.
MAIOR,
lilabetani
IÆ,
ORUM Typographiâ
JACOBI, Factor.

